

Dunghhingh Benhgenj Caenhrengz Bauj-cang “Haj It” Goujan Doenggvan Swnh

“Haj it” geizgan, Dunghhingh Goujan dwg cotsim youqgaenj hamj gyaiq lijyouz Cungguek caeuq Yeznanz, bouxhekyouz haeujok guek beij bingzciengz lai. Gaengawq Gvangjsih Haeujok Gyaiq Benhgenj Cunggcan fatbouh gij yawhgingj daezsingj yienh’ok, 5 nyied 1 hauh daengz 5 hauh, Dunghhingh Goujan yawhsuenq bouxhekyouz haeuj gyaiq yaek mauhgyaq 12.9 fanh vunz, moix ngoenz yaek miz 2.6 fanh vunz.

Vih wngqdoiq ndei mwh cuengqgyaj hek baedauq lai, Dunghhingh Benhgenjcan laebdin aen muzbyauh “hek huq song doeng”, gyoebhab saedhengz cwngcwz、

cingcinj okrengz. Fuengmienh ndeu baengh guenfueng veizsin gunghcunghau daezsingj hekyouz seizlawz vunz lai, dazyinx gyoengqde hablex anbaiz seizgan; lingh fuengmienh doenggvaq saedhengz dungdai ginzvu diuhdoh gihci, gohyoz faenboiq loh beijlaeh, youq mwh hek ceiq lai daeuj daengz gaxgonq baujcwnq daengxcungq gingjcaz cienzbouh youq gangj、loh cienzbouh hai, saedbauj bouxhekyouz doenggvan swnh. Youq fuzvu baujcaz fuengmienh, ndalaeb daizfuzvu “dieg dazyinx + dieg cazcam + dieg bangfuz” sam gangj lienzdoengh, vih “laux nyieg bingh ndangcanz

mizndang” daengj bouxhekyouz daegbied daezhawj daengx liuzcwnqz fuzvu daj dazyinx caj genjcaz daengz bang doenggvan. Cimdoiq gij yihliuz aeuyungh gaenjgip, lienzdaemh doeng diuz loh gouqcoengh hamj gyaiq “1369 sengmingh ci cigdoeng”, cietsaed baujcaz guh gij hong yihliuz gouqcoengh hamj gyaiq gaenjgip swnhleih yauliz sang.

Youq caenhrengz baujcaz daehhek doenggvan doengzseiz, Dunghhingh Benhgenjcan doengzbouh doicaenh gajndeiz swnggaep daehhuq doenggvan. Dunghhingh Goujan (ngeih giuz) daehhuq liuzliengh demmaj riengjvaiq, aen can neix itcig

cungj lozsiz gij banhlap fuzvu “swnh doenggvan、coi hailangh、coengh hwngfat”. Giyez ndaej doenggvaq bingzdaiz gwnz muengx daezgyau gij saenqsik bwh’ anq bouxhaici caeuq aen ci, riengjvaiq banhlex bwh’ anq; vih gij huq sengsien、gij doxgaiq wngqgip ndalaeb diuz loh cienyungh, saedhengz seizlawz daengz seizlawz genj、sien cuengq bae; mboujduenh gyagiengz gij doxgap boiqhab caeuq dangdieg cwngfuj、haijgvanh、ci daihleix gunghswh, engq gemjnoix gij seizgan huq doenggvan, daezsang doenggvan yauliz, baujhoh giyez hamj gyaiq gaicawx.

(Liengz Haijbinh/梁海彬)



▲Bouxguhong hanh ganghinh. Vangz Yinz ingi

Liujcouh Gauhsuz Gvaq Gyaiq Goeng-loh Ngoenzgyaj Lij Nyaengq Hong

Bonjbau siusik (gicej Vangz Yinz) Ngoenzgyaj “haj it”, youq Liujcouh Gauhsuz Gvaq Gyaiq Goenglo (duenh Lozcwnqz ginggvaq Liujcwnqz daengz Luzcai) Binsuij 1 Hauh Daihgiuz haigoeng yienhciengz, gyoengq bouxguhong guhhong naemqdikdik. Ciuq cam rox, aen hanghmoeg neix youq ndaw gyaiq Liujcouh Si, lohsienq raez 97.497 goengleix. Hanghmoeg ginggvaq Hozciz Si Lozcwnqz Mulaujcuw Swciyen、Liujcouh Si Liujcwnqz Yen caeuq Luzcai Yen. Hanghmoeg guh baenz le, yaek lienziep Cenznanz Gauhsuz、Sanhbwz Gauhsuz caeuq diuz gauhsuz Gveilnz Lungzswng (Gveicouh Gvangjsih gyaiq) daengz Duncungh cingq gveihva haenx.

Dwngzyen: Bya Diuq Vunz Angq

5 nyied 4 hauh, Dwngzyen Dwngzcouh Cin Mbanjdanzdungh vunzmbanj youq Hungzfungh Suijgu Swnghdai Ciengzdajciengx lauz bya bae gai, bya diuqbyaengbyaeng vunz angqfwngfwng. Gaenh geij bi daeuj, swnghdai vanzging bienq ndei, gak loih raemx caemh yied daeuj yied ndei, aen si neix hangzneib ciengx doxgaiq ndaw raemx hwngfat hwngfwdfwd, gwnz dah、huz、daemz caeuq suiigu yienh’ok gij yiengh “bya diuq vunz angq”. (Yenz Gveihaij/颜桂海)



▲Bouxciengxbya youq ndaw suiigu lauz bya.



▲Gyoengqvunz dangdieg angqcoux hekyouz daeuj daengz. Yiz Linzyi ingi

Lungzswng: Lungzciz Nazmbaek-lae Haigeng Yinx Hek Daeuj

5 nyied 2 hauh, Lungzswng Gak Cuz Swciyen Lungzciz Cin Lungzciz Mbanjcuengh Geq guh hozdung conzdunj hongnaz — ciet haigeng, gyoengq vunzmbanj youq gwnz nazmbaeklae geng naz、coih haenznaz、ndai naz daengj, supyinx haujlai hekyouz ndaw guek rog guek daeuj yawj caeuqfaenh guhhong.

(Veiz Gizyangz/韦吉阳 Yiz Linzyi/于琳钰)